

Meeqqat atuarfianni alloriarfinni misilitsinnerit

Tabelit meeqqat atuarfianni 3. klassit aamma 7. klassit inerniliillaqqissusaannik (pct.-inngortitanik) imaqarput, kommuninut suiaassutsinut, najugaqarfinnut kiisalu atuarfinnut immikkoortitaasunik.

Periutsinik paasisaqarusukkuit innersuussutigineqarpoq periaatsimut immikkoortoq misissuataassagit.

Immikkut maluginiaqquneqarpoq kisitsisitigut paasisutissani taamaallaat meeqqat atuarfianni alloriarfinni misilitsinnerit pineqarmata. Meeqqat atuarfianni alloriarfinni misilitsissimangitsut kisitsisaatigineqanngillat.

Alloriarfinni misilitsinnerit inernerit

Ilinniartitaanermut Aqutsisoqarfimmit Karakterdatabasemi tamanut ammasunngorlugu Meeqqat Atuarfianni alloriarfinni misilitsinnerit inernerit saqqummiunneqareernikuupput. Meeqqat atuarfianniit alloriarfinni misilitsinnerit Kisitsisaataasivimmut tamanut saqqummiunneqarnissaanut siunertaavoq, nalunaarsuutit oqinnerusumik atoruminarnerusumillu tamanut ammasunngortinneqarnissaat.

Karakterit kisitsisaataasivimmiilernerat pissutaalluni ajornannginnerusumik misilitsinnerit inernerisa ineriartorneranut aammalu assersuutigalugu atuarfimiit atuarfimmuut sanilliussisoqarsinnaalerpoq.

Nalunaarsuutit tunngaviusut

Meeqqat atuarfianiit alloriarfinni misilitsinnerit inernerit Ilinniartitaanermut Aqutsisoqarfiup karakterdatabaseaniit tiguneqarput, naatsorsuinermit atorneqarlutik. Karakterdatabasep imarai meeqqat atuarfiani 3. klassimi alloriarfimi kalaallisut, qallunaattut imaluunniit matematikimi misilitsissimasut, 7 klassimi alloriarfimi kalaallisut, qallunaattut, tuluttut imaluunniit matematikimi misilitsissimasut. Atuartut alloriarfimi misilitsissimangitsut ilanngunneqanngillat.

Periaaseq

Alloriarfinni misilitsinnerit nalunaarsuutinut atuartunut paasisutissat tamarmik atuartunut ataasiakkaanut tunngasuupput. Nalunaarsuutinut ilaapput:

- Inuup normua
- Atuarfik
- Klasse alloriarfik
- Klassip aqqa
- Fage misilitsiffik
- Misilitsinnermi ilisarnaat (TestID)
- Akissutitut ilisarnaat (SvarID)
- Ukioq

Alloriarfinni misilitsinnerit nalunaarsorsimaffiat tatiginartuuvoq, taamaammat inuup normui atorsinnaanngitsut peerneqarput. Inuit marlunnik nalunaarneqarsimanersut misissoqqissaarneqarput, inuup normua fagini assigiinngitsuni misilitsinnernut ataasiaannarluni nalunaarutigineqarluni. Atuarfiit marluk imaluunniit klassit marluk tunngavigalugit nalunaarsuisoqarsimappat arlaat peerneqassaaq. Inerniliinerit kukkuneqanngitsut (pct.-it eqqortut) atorpeqartarput atuartoq marloriarluni alloriarfinni misilitsissimatillugu, Atuartut akissutaat 0 pct.-imiittoq atorpeqartarpoq, tassani inerniliillaqqissuseq 0 pct.-imik (eqqortumik akisat pct.-inngorlugit) nalunaarutigineqartarpoq, taamaalilluni tamakkiisumik inerniliinermut ilanngunneqartarluni.

Naatsorsuineq

Inerniliillaqqissuseq (eqqortumik akisat pct.-inngorlugit) eqqortumik akissutit amerlassusaat/ suliassat amerlassusaannik naatsorsorneqartarpoq. Kisitsisitigut paasissutissiornermi alloriarfinni misilitsinnerni inerniliillaqqissutsit kisinneqassapput ukununngalu immikkoortinneqassallutik; kommuninut, atuarfinnut, klassinut aamma suaassusermut ukiunullu. Misilitsinnerit sisamat ataakkaangassuk inerniliillaqqissuseq (eqqortumik akisat pct.-inngorlugit) saqqummersinneqarneq ajorput.

Killiliineq paasissutissiornermilu ajornartorsiutit

Meeqqat atuarfianni alloriarfinni misilitsinnerit sanilliunneranni atuartut ikittuusinnaaneri eqqarsaatigineqassapput, kisitsisinik paasissutissiornermi ikittunik sammisaqarnermi annikitsuinnarmik nikittoqarsimagaangat inernerinut sunniutaa annertusarpoq, taamaasilluni ukiumiit ukiumut nikinganeri annertusinnaasarlutik.

Ilisarnaatinut nassuiaatit:

... Paasissutissat pigineqanngillat

.. Paasissutissat nalunaarsussallugit qularnarpallaarput mianersuuttariaqarpulluunniit

. Suliap pissusia tunngavigalugu kisitsisit saqqummersinneqarsinnaanngillat

0 Uuttuutigineqartup affaanit minneruvoq

- Nul

* Kisitsisaagallartoq kisitsilluunniit eqqoriarneqartoq

Saaffissaq

Samo Nielsen

E-mail: snie@stat.gl

Ilinniartitaaneq

Naatsorsueqqissaartarfik

Postboks 1025 · 3900 Nuuk

Oqarasuaat.: +299 34 57 70 · Faxi: +299 34 57 90

www.stat.gl · e-mail: stat@stat.gl

